



Siverth K. Heilmann
Atassut

UKA 2021/42
20. oktober 2021

Aarrit nannullu takornariartitsinermi tammajuitsussarsiorluni piniartartunut pisassiissutigineqarsinnaanngorsinnaaner at siunertaralugu Naalackersuisut, 2022 naatinnagu saqqummiunneqartussamik, nassuiaasioqqullugit peqquneqarnissaannik inatsisartut aalajangiiffigisassaattut siunnersuut. Nalunaarusiamittaaq aningaasarsiutaasinnaanerisa aammalu nunarsuarmioqatigiit aalajangersagaasa killilersugaat qulaajarneqassapput.

(Inatsisartunut ilaasortaq Aslak W. Jensen, Siumut)

Aarrit nannullu takornariartitsinermi tammajuitsussarsiorluni piniartunut pisassiissutigineqarsinnaanngorsinnaaner at pillugu inatsisartuni ilaasortap Aslak W. Jensen-ip siunnersuuteqarninnut qujanaq, imatullu naatsumik Atassummiit oqaaseqarfigissavarput.

Atassummiit siunnersuuteqartoq isumaqatigilluinnarparput, pisuussutitta aningaasarsiornikkut isaatitsinerunissamullu siunertaqarluni, qulaani qulequtarineqartumut inatsisartuni Naalackersuisunilu takornarissanut piniartitsisinnaanerput aqutissiuussisariaqarnerput. Inuussutissarsiutigivilluguli piniartut pisassinneqartarnerannut annikillissutaassanngitsoq Atassummiit piumasarissavarput.

Nalunngereerparput sikuusarunnaariartorneragut sikumi aarrit nannullu pisarineqarsinnaaner at allanngoriartortoq, taamaattumillu piniartitsineq susassaqtut peqatigalugit isumatuumik tamanullu naammaginatsumik naleqqussarnissamut, siunnersuutigineqartumut piniartitsisinnaaneq tapertatut aningaasarsiutinngussappat tikilluaqqarput.

Ukiorpaalussuit matuma siornagut, akilitsinni Nunavummi, nannunut parnaarussiveqalersimasoq assilineqarsimasoq takutinneqarmat, nammineq nannumik parnaarussinikuunngikkaluarlunga tupaallaatigivallaanngilara, tassami akilitsinniinnaanngitsoq aamma Nunatta ilarujussuani inoqarfinnut nannut inunnut ulorianartorsiorititsisarnerat tusarnartarinngilarput. Inoqarfinnut nannut pigaanngata qimaatitsiniaqattaarneq iluatsittuaannanngitsoq, pingaartumik Ittoqqortoormiuni assersuutigineqarsinnaapput.

Atassummiit maluginiarparput Naalackersuisut siunnersuuteqartumut akissuteqarnerminni pineqartunut avammut annissisoqarsinnaannginneranik ilaatigut tunngavilersuuteqartut, taamaattorli piniartitsinermi iluatsitsisoqarpat assiliissumik assilisaq nassarneqarsinnaanera naaperiutigineqartoq. Siunnersuummut itigartitsiinnarani Naalackersuisut naaperiuteqarnerat Atassummiit iluarisimaarparput akuersaarlutalu.

Taamatut naatsumik Atassummiit oqaaseqarluta inassutigissavarput, suliap
aappassaaneerneqartigani ataatsimiititaliamut susassaqartumu ingerlateqqaarneqarnissaa.

Qujanaq.